



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԼՈՒՈՒ ՄԱՐԶԻ ԱԼԱՎԵՐԴԻ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Լոռու մարզի Ալավերդի համայնք
ՀՀ, Լոռու մարզ, ք.Ալավերդի, (0253) 2-41-00, alaverdimunicipality@gmail.com

Ո Ր Ո Շ ՈՒ Մ

07 ՄԱՅԻՍԻ 2024թվականի N 817-Ա

ԱԼԱՎԵՐԴԻ ՀԱՄԱՅՆՔԻ ԷՆԵՐԳԵՏԻԿ ԿԱՌԱՎԱՐՈՒՄՆ ՀԱՄԱԿԱՐԳՈՂ ԱԾԽԱՏԱՆՔԱՅԻՆ ԽՈՒՄԲ ՍՏԵՂԾԵԼՈՒ, ԿԱԶՄՆ ՈՒ ԱԾԽԱՏԱԿԱՐԳԸ ՀԱՍՏԱՏԵԼՈՒ ԵՎ ԷՆԵՐԳԵՏԻԿ ԿԱՌԱՎԱՐԻՉԻ ՊԱՐՏԱԿԱՆՈՒԹՅՈՒՆՆԵՐԻ ԻՐԱԿԱՆԱՑՄԱՆ ՄԱՍԻՆ

Ղեկավարվելով «Տեղական ինքնակառավարման մասին» ՀՀ օրենքի 35-րդ հոդվածի 1-ին մաս 24) կետով ,
«Նորմատիվ իրավական ակտերի մասին» օրենքի 37-րդ հոդվածով և հիմք ընդունելով Եվրոպական
հանձնաժողովի «Քաղաքապետերի դաշնագիր» նախաձեռնությանը միանալու մասին Ալավերդի համայնքի
ավագանու 2016թ. հունիսի 16-ի N 33-Ա որոշումը և Ալավերդի խոշորացված համայնքի տնտեսական,
բնապահպանական և սոցիալական կայունության բարձրացման նպատակով 2022թ. հունվարի 1-ից
մեկնարկված «Համայնքի կայունության ամրապնդում Էներգաարդյունավետության և ցածր արտանետումներով
զարգացման միջոցով» ծրագիրը

որոշում եմ՝

- Ալավերդի համայնքում Էներգետիկ կառավարման համակարգ ներդնելու, Ալավերդու համայնքապետարանի
ենթակայության ընկերությունների/ կազմակերպությունների շենք շինություններում Էներգախնայողության և
Էներգաարդյունավետության բարձրացման միջոցառումները համակարգելու, հարմարավետությունն
անհրաժեշտ մակարդակի բերելու ու Էներգաարդյունավետության ներուժը գնահատելու, վառելիքաէներգետիկ
ռեսուրսների և ջրի սպառումը վերահսկելու, ինչպես նաև մոնիտորինգ իրականացնելու նպատակով ստեղծել
Ալավերդի համայնքի Էներգետիկ կառավարումն համակարգող աշխատանքային խումբ:
- Հաստատել Ալավերդի համայնքի Էներգետիկ կառավարումն համակարգող աշխատանքային խմբի
(այսուհետ՝ Աշխատանքային խումբ) կազմը՝ համաձայն հավելված 1-ի:
- Հաստատել Աշխատանքային խմբի աշխատակարգը՝ համաձայն հավելված 2-ի:
- Ընդունել ի գիտություն, որ Ալավերդիի համայնքապետարանի Էներգետիկ կառավարչի
պարտականություններն իրականացնում է Ալավերդու համայնքապետարանի աշխատակազմի հողաշինության
և բնապահպանության բաժնի առաջին կարգի մասնագետի պաշտոնակատար Էրիկ Իգնատենկոն, մինչև
ծրագրի գործառնական ավարտը:
- Հանձնարարել Աշխատանքային խմբի ղեկավարին՝ ապահովել տեղեկատվության տրամադրումը Էներգետիկ
կառավարչին՝ Ալավերդու համայնքապետարանի ենթակայության ընկերությունների/կազմակերպությունների
շենք-շինությունների և դրանցում սպառվող վառելիքաէներգետիկ ռեսուրսների, իրականացված,
իրականացվող կամ նախատեսված Էներգախնայողության և/կամ Էներգաարդյունավետության բարձրացման
ուղղված միջոցառումների ու ծրագրերի վերաբերյալ:
- Հանձնարարել Ալավերդի համայնքի ենթակայության ընկերությունների/կազմակերպությունների
տնօրեններին և Ալավերդիի համայնքապետարանի աշխատակազմի քարտուղարին՝
 - Համապատասխան հրամաններով նշանակել վառելիքաէներգետիկ ռեսուրսների և ջրի սպառման
ծավալների և արժեքի վերաբերյալ տեղեկատվության հավաքագրման և տրամադրման համար
պատասխանատու անձանց (այսուհետ՝ Պատասխանատու անձ), որոնք սահմանված ժամկետներում
պահանջվող տեղեկատվությունները կտրամադրեն Էներգետիկ կառավարչին:
 - Պատասխանատու անձանց նշանակման վերաբերյալ հրամանների պատճենները ներկայացնել Ալավերդիի
համայնքապետարանի Էներգետիկ կառավարչին՝ նշելով պատասխանատու անձանց կոնտակտային
տվյալները՝ հեռախոսահամարը և Էլ. փոստի հասցեն:
 - Պատասխանատու անձանց՝ խմբագրելի Էլեկտրոնային ձևաչափով լրացնել ընկերությունների/
կազմակերպությունների օբյեկտ(ներ)ի տեղեկատվական քարտ(եր)ը՝ ըստ պատասխանատվության ոլորտների
և Էլեկտրոնային ձևաչափով ներկայացնել Ալավերդիի համայնքապետարանի Էներգետիկ կառավարչին:
- Սահմանել համայնքային ենթակայության ընկերությունների/կազմակերպությունների կողմից
վառելիքաէներգետիկ ռեսուրսների և ջրի սպառման ծավալների և արժեքների վերաբերյալ տեղեկատվության
հավաքագրման և Ալավերդու համայնքապետարան փոխանցման մեթոդը՝ Էլ փոստ, Էլեկտրոնային կամ
ամձեռն եղանակով:

8. Սույն որոշման կատարման կազմակերպող և պատասխանատվություն կրող նշանակել Աշխատանքային խմբի ղեկավար և Ալավերդիի համայնքապետարանի զարգացման ծրագրերի և տուրիզմի բաժնի պետին :

9. Սույն որոշման կատարման ընթացքի նկատմամբ հսկողությունն ապահովում է Ալավերդու համայնքապետարանի աշխատակազմի քարտուղարը:

10. Ուժը կորցրած ճանաչել ՀՀ Լոռու մարզի Ալավերդի համայնքի ղեկավարի՝ 02 մայիսի 2023 թվականի թիվ 544-Ա և 12 մայիսի 2023 թվականի թիվ 605-Ա որոշումները:

11. Սույն որոշումն ուժի մեջ է մտնում ստորագրման պահից:

ՀԱՄԱՅՆՔԻ ՂԵԿԱՎԱՐ

2024թ. մայիսի 07
ք. Ալավերդի



Դ. ՂՈՒՄԱՇՅԱՆ